



SLUŽBENE NOVINE

KANTONA SARAJEVO

Godina XXVI - Broj 41

Četvrtak, 14. 10. 2021. godine
SARAJEVO

ISSN 1512-7052

KANTON SARAJEVO

Vlada Kantona Sarajevo

Na osnovu člana 26. i 28. stav (1) Zakona o Vladi Kantona Sarajevo ("Službene novine Kantona Sarajevo", broj 36/14 - Novi Prečišćeni tekst i 37/14 - Ispravka) i člana 4. tačka h) Zakona o nadležnostima organa vlasti Kantona Sarajevo u oblasti zaštite i spašavanja ljudi i materijalnih dobara od prirodnih i drugih nesreća ("Službene novine Kantona Sarajevo", broj 39/08, 19/11, 45/15 i 33/21), Vlada Kantona Sarajevo, na prijedlog Kantonalne uprave civilne zaštite Kantona Sarajevo, na 117. vanrednoj sjednici održanoj 05.10.2021. godine, donijela je

UREDBU

O IZMJENAMA I DOPUNI UREDBE O OSNIVANJU ŠTABA CIVILNE ZAŠTITE KANTONA SARAJEVO

Član 1.

(Izmjena člana 5.)

U Uredbi o osnivanju Štaba civilne zaštite Kantona Sarajevo ("Službene novine Kantona Sarajevo", broj 24/13, 7/16 i 27/19) u članu 5. riječi: "15 (petnaest)", zamjenjuju se riječima: "16 (šesnaest)".

Član 2.

(Izmjena člana 6.)

U članu 6. riječi: "Ministar komunalne privrede i infrastrukture", zamjenjuju se riječima: "Ministar komunalne privrede, infrastrukture, prostornog uređenja, građenja i zaštite okoliša".

Član 3.

(Izmjena člana 9.)

U članu 9. stav (1) mijenja se i glasi:

"(1) Članovi Štaba civilne zaštite su:

- pomoćnik ministra iz Ministarstva zdravstva,
- pomoćnik ministra iz Ministarstva privrede,
- pomoćnik ministra iz Ministarstva finansija,
- pomoćnik ministra iz Ministarstva komunalne privrede, infrastrukture, prostornog uređenja, građenja i zaštite okoliša,
- pomoćnik ministra iz Ministarstva saobraćaja,
- pomoćnik ministra iz Ministarstva unutrašnjih poslova,
- pomoćnik ministra iz Ministarstva za rad, socijalnu politiku, raseljena lica izbjeglice,
- sekretar Uprave,

- pomoćnik direktora Uprave za mjere zaštite i spašavanja,
- pomoćnik direktora Uprave za normativno pravne poslove,
- pomoćnik direktora Uprave za zaštitu od požara i vatrogastvo,
- glavni kantonalni inspektor civilne zaštite iz Uprave,
- direktor Veterinarske stanice Kantona Sarajevo.

Član 4.

(Izmjena i dopuna člana 10.)

- Naziv člana 10. mijenja se i glasi: "(Postavljenje i razrješenje članova i sekretara Štaba civilne zaštite)".
- Iza stava (2) dodaje se novi stav (3) koji glasi: "Štab civilne zaštite ima sekretara, koji obavlja administrativno-tehničke poslove za potrebe istog, kojeg posebnim rješenjem određuje načelnik Štaba civilne zaštite iz reda uposlenika Uprave i istom pripada naknada za obavljanje navedenih poslova."

Član 5.

(Stupanje na snagu)

Ova uredba stupa na snagu narednog dana od dana objavljivanja u "Službenim novinama Kantona Sarajevo".

Broj 02-04-36932-1/21
05. oktobra 2021. godine
Sarajevo

Premijer
Edin Forto, s. r.

Na osnovu člana 26. i 28. stav (2) Zakona o Vladi Kantona Sarajevo ("Službene novine Kantona Sarajevo", broj 36/14 - Novi Prečišćeni tekst i 37/14 - Ispravka), Vlada Kantona Sarajevo, na 43. sjednici održanoj 30.09.2021. godine, donijela je

ODLUKU

O DAVANJU SAGLASNOSTI NA ELABORAT O PROVOĐENJU AKTIVNOSTI KOJE TREBA REALIZOVATI RADI USPOSTAVE HELIKOPTERSKE JEDINICE MUP-A KANTONA SARAJEVO

I

Daje se saglasnost na Elaborat o provođenju aktivnosti koje treba realizovati radi uspostave Helikopterske jedinice Ministarstva unutrašnjih poslova Kantona Sarajevo.